

ত্রিপুরা সরকার
তথ্য ও সংস্কৃতি অধিকার

স-৩৩৩২

আগরতলা, ২১ অক্টোবর, ২০২৫

ই.সি.আই. (ভারতের নির্বাচন কমিশন) নিযুক্ত পর্যবেক্ষকগণ বিহার এবং ৮টি বিধানসভা আসনের উপনির্বাচনের নির্বাচনী প্রক্রিয়াটি নিবিড়ভাবে পর্যবেক্ষণ করেছেন, যাতে অবাধ ও সুষ্ঠু নির্বাচন এবং সকল রাজনৈতিক দল ও প্রার্থীর জন্য সমান সুযোগ নিশ্চিত করা যায়।

ভারতের নির্বাচন কমিশন ২০২৫ সালের বিহার বিধানসভা সাধারণ নির্বাচন এবং ৮টি বিধানসভা আসনের উপনির্বাচনের সময়সূচি ঘোষণা করেছে।

সংবিধানের অনুচ্ছেদ ৩২৪ এবং জনগণের প্রতিনিধিত্ব আইন, ১৯৫১-এর ধারা ২০বি অনুযায়ী প্রদত্ত পূর্ণ ক্ষমতার ভিত্তিতে কমিশন কেন্দ্রীয় পর্যবেক্ষক নিয়োগ করে থাকে, যাতে অবাধ ও সুষ্ঠু ভোটগ্রহণ পরিচালনায় কমিশনকে সহায়তা করা যায়।

কমিশন ইতিমধ্যেই বিহার বিধানসভা নির্বাচন ২০২৫-এর প্রথম পর্বের জন্য ১২১ জন সাধারণ পর্যবেক্ষক এবং ১৮ জন পুলিশ পর্যবেক্ষক এবং দ্বিতীয় পর্বের জন্য ১২২ জন সাধারণ পর্যবেক্ষক ও ২০ জন পুলিশ পর্যবেক্ষক নিয়োগ করেছে। চলমান ৮টি বিধানসভা আসনের উপনির্বাচনের জন্যও ৮ জন সাধারণ পর্যবেক্ষক এবং ৮ জন পুলিশ পর্যবেক্ষক মোতায়েন করা হয়েছে।

বিভিন্ন বিধানসভা আসনে তাঁদের নিয়োগের পর, সকল পর্যবেক্ষকরা তাঁদের বরাদ্দকৃত আসনে প্রথম দফার পরিদর্শন সম্পন্ন করেছেন এবং বর্তমানে তাঁরা তাঁদের নিজ নিজ এলাকায় অবস্থান করছেন।

নির্বাচন কমিশন পর্যবেক্ষকদের নির্দেশ দিয়েছে যাতে তাঁরা পুরো নির্বাচনী প্রক্রিয়াটি নিবিড়ভাবে পর্যবেক্ষণ করেন এবং স্বচ্ছ, অবাধ ও সুষ্ঠু নির্বাচন পরিচালনা নিশ্চিত করেন।

পর্যবেক্ষকদের নির্দেশ দেওয়া হয়েছে যেন তাঁরা রাজনৈতিক দল, প্রার্থী এবং ভোটারদের জন্য সম্পূর্ণভাবে সহজলভ্য থাকেন এবং তাঁদের অভিযোগগুলির দ্রুত নিষ্পত্তি নিশ্চিত করেন।

পর্যবেক্ষকদের আরও নির্দেশ দেওয়া হয়েছে যেন তাঁরা ভোটকেন্দ্র পরিদর্শন করেন এবং ভোটারদের সুবিধার জন্য কমিশনের সাম্প্রতিক উদ্যোগগুলির যথাযথ বাস্তবায়ন নিশ্চিত করেন। রাজ্য নির্বাচন দপ্তর থেকে এই সংবাদ জানানো হয়েছে।
